

- 20 Nec ridenda canit tanquam sine teste laborans
 Discipulusque Petri hæc Egesippus ait¹⁾.
 Hic uoluit sanctus, ualuit nec fingere falsa,
 Ex uero uera hæc fonte fluentia bibi.
 Quæ metro uoluit nostra inmutare Camena,
 Ut sudet Petro pinnula nostra sacro.
 25 Haec uestrum spectant examen qualiacumque
 Quæ digesta patent, papa beate Leo.
 Littera nam rutilet quamquam splendente metallo,
 Ni uobis placeat, nobilis esse nequit.

FINIT PROLOGUS SIUE PROHEMIUM.
 INCIPIT TEXTUS APOSTOLICAE PASSIONIS.

Clauiger aeternæ paradisi et ianitor aulae,
 Cedere cui iussu claustra tremenda solent etc.

-
 His firmis, o Roma, nitens geminisque columnis,
 His retinens Petrum, Paulus et inde iacet.
 Hinc oriens Petrum pulchro cum lumine cernit,
 Occidua et Paulum pars tenet atque fouet.
 5 Hæc gemine partes populos ad limina mittunt,
 Quorum gaudebas læta cruore sacro.
 Ornabare prius multo cum sanguine saeua,
 Ornaris mitis cum pietate modo.
 Oppugnata olim multis seuisque tyrannis,
 10 Supplex te quisquam rex petit, audit, amat.
 Hoc meruere duces, quorum tu munere tanto
 Nunc uernas, flores, affluis atque cluis²⁾.
 Gallus, Auar, Partus, Syrus, Getulus et Indus,
 Quos tremuere tui, dant tibi colla manus.
 15 Gesta³⁾ tyrannorum, bellum ciuile uel hostis
 Nam saeuire nequit, te reprimente, deus!
 Inuidia absistit, sancta et deuotio flagrat,
 Querere te, Petre, undique terra sitit.
 Te fletu lacrimisque⁴⁾ rogant singultibus atque
 20 Culparum nexus soluere ut ipse uelis.
 Te quoque, Paule, adeunt aequa cum mente petentes,
 Ut Petro precibus consociare piis.

HACTENUS PASSIO APOSTOLORUM, ABHINC FACTA
 NERONIA CANENTUR⁵⁾.

Exitium postquam lætus Nero forte peregit etc.

1) In T geht auf f. 1—3 v. voraus: 'Passio sanctorum apostolorum Petri et Pauli ex libro III Egesippi eorundem apostolorum discipuli ad fidem feliciter incipit. Demens Nero—gladio necati sunt'. 2) 'cliuis' B.
 3) 'Festa' B. 4) 'fletu lacriminisque' B. 5) In T geht auf f. 3 v bis 4 voraus: 'Idem Egesippus de morte Neronis in libro III^o it dicit' etc.